



Der Cosmography.

xlviij

# Das ander buch der Welt beschreibung / so man sunst Cosmographiam nennet durch

Sebastianum Münster auß Ptolemeo vnd andern Welt vnd Geschichte schreibern gezogen vnd verzeüschet.

## Erklärung Der zwey ersten general tafeln die innhalt der ganzen Welt.



Was fruchtbarlichen zu lernen in den landschafften Europe / Africe vnnnd Asia / ist von norden das du vor allen dingen in kopff fassst gelegenheit der ganzen welt der erden vnnnd des möres / wie sie in einander stecken / vnnnd wie das erdrich auß dem möre sich er hebt. Vnd hartzu dienen die zwey ersten tafeln / vnder welchen die erste außtrickt form vnd gestalt des ganzen erdrichs vnnnd möres / wie es zu vnsern zeiten gar erfaren vnd erfunden ist / zu wasser vnnnd zu land / mit bergen / inseln / stießenden wässern / meridianen vnnnd mittags circeln vnd parallelen. Sie seind beide general tafeln / aber die vorder begreiffet die ganz kugel / vnnnd die andere die halb kugel / wie

Ptolemeus zu seinen zeiten die Welt beschriben hat / vnnnd die dannoch nit gar / dann gegen mittag hinaus ist Ptolemeus mit seiner beschreibung nicht kommen zu end des lands Africe / wie die ander general tafeln anzeigt / die eigentlichen Ptolemei ist. Nun merck hie mit kurzen worten / Die ganze Welt wirt getheilt in drey vngleichere theil / Europam / Asiam vnd Africam. Europam siehest du sein in den anderen general / vnder scheiden vnnnd Africa durch das Mare Mediterraneum / das ist / das Mittellendige möre / vnnnd von Asia durch das wasser Tanais / so von mittnacht einher fallet in das möre genant Pontus Euxinus. Weis Europa wirt nun von Ptolemeo in zehen besondere tafeln außgetheilet vnnnd beschriben / wie hernach angezeigt wirt. Was aber lands über dem Mare Mediterraneum ligt gegen mittag hinaus / das wirt alles zugegeschrieben Africe / vnnnd strecket sich gegen Orient hinaus bis zu dem fluss Nilus / oder wie die andern sprechen bis zum Mare rubrum / das ist / das Rote möre. Im ersten general ist die lenge des erdrichs verzeichnet bey dem circel des Streinbocks / vnnnd die breite zu der linken hand am ende der tafeln. Die lenge fahet an hinder Hispaniam vnnnd Mauritaniam / vnd gach bis in Orient / vnd do sie in Orient auß gach / gach sie wider an in Occident / wie dir das anzeige die zugegeschriben zifer. Die breite fahet an bey dem equinoctial / vnd gach gegen mittag vnd gegen mittnacht. Nimm darnach für dich das ander general / das nit mehr dann die halbe Welt beschreibet / so findest du die lenge verzeichnet oben vnd vnden / vnd die breite zu der rechten hand. Dofelbst findest du auch verzeichnet die sieben climata / aber die parallelen seind zu der linken hand mit ieren zalen vnd nassen verzeichnet. Heb nun dis ander general gegen dem ersten / so wirstu sehen wie vil lands weiter erfunden ist / weder zu Ptolemei zeiten bekant ist gewesen. Du magst auch auß dem ersten general erkennen / wie die

Das ander

